



Ministère de l'Agriculture, de l'Alimentation et de la Viticulture	8
Référence : 534125	
13 AOUT 2025	
A traiter par :	
Copie à :	

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 12/08/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministère fir den Interieur & Landwirtschaft, Ernährung a Wälbau weiderzeleeden.

Ëmmer erëm gesäit een op eise Stroossen Mënschen, déi mat hirem Hausdéier op der Strooss liewen. Fir vill vun dëse Mënschen ass d'Hausdéier hiren eenzeg richteg Weggefährte an eng wichteg moralesch Stäip. Fir dës Leit sinn hir Déieren hir Famill.

Et ginn awer och där Leit, déi Déiere skrupellos ausnotzen, fir esou duerch Heescherei Geld ze maachen. Eng Déiereschutzorganisatioun beréicht op de soziale Medien dovunner, dass Hënn vun hirem "Meeschter" mëssshandelt ginn. D'Hënn sinn zwar heiansdo an der EU gechippt, mee se sinn a kengem System ugemellt, soudass net kloer ass, wien de Proprietär vum Déier ass.

D'Police kéint awer hei net agräifen, well et am Déiereschutzgesetz keng Dispositiounen géife ginn, fir d'Déieren aus hirem Misär eraus ze kréien.

An deem Zesammenhang wéilt ech de Ministeren dës Froe stellen:

1. Sinn d'Ministeren doriwwer informéiert a stëmmt et, dass der Police an esou Fäll, wéi uewe beschriwwen, d'Hänn gebonne sinn?



2. Erlaabt déi aktuell Gesetzeslag, fir een Déier, wat ausgenotzt an/oder mësshandelt gëtt, ze konfiszéieren?

Mat déiwem Respekt,



GOERGEN Marc
Deputéierten





Gemeinsam Äntwert vum Här Inneminister, Léon Gloden, an vun der Ministesch fir Landwirtschaft, Ernährung a Wäibau, Martine Hansen, op d'parlamentaresch Fro n°2771 vum 12. August 2025 vum honorabelen Deputéierte Marc Goergen zum Sujet "Confiscation d'animaux abusés"

1. Sinn d'Ministeren doriwwer informéiert a stëmmt et, dass der Police an esou Fäll, wéi uewe beschriwwen, d'Hänn gebonne sinn?

D'Déierequälerei ass duerch d'Gesetz vum 27. Juni 2018 "*sur la protection des animaux*" verbueden.

D'Police huet d'Flicht, an all Fäll vun akuter Déierequälerei oder enger imminenter Gefor fir d'Déier, vun der si Kenntnis huet, adequat ze reagéieren. Dëst war an de leschten 20 Méint am Kontext vun dëser parlamentarescher Ufro bei dräi Geleeënheeten de Fall.

Och wann d'Déiere gechippt, awer net an engem System registréiert sinn, besteet d'Méiglechkeet, fir géint evident Déierequälerei virzegoen.

2. Erlaabt déi aktuell Gesetzeslag, fir een Déier, wat ausgenutzt an/oder mësshandelt gëtt, ze konfiszéieren?

Eng Konfiskatioun kann an verschidden Fäll op Basis vum ofgeännerte Gesetz vum 9. Mee 2008 "*relative aux chiens*" oder vum virgenannte Gesetz vum 2018 vun engem Richter decidéiert ginn.

D'Police ka eng Saisie maachen, awer keng Konfiskatioun. 2024 goufen ee Hond an dräi Welpen saiséiert. 2025, ass et bis elo een Hond, dee saiséiert ginn ass.

Lëtzebuerg, den 29. August 2025
Den Inneminister
(s.) Léon GLODEN